

SOLIFANE JWANENG			
Name	Surname	Title	Telephone
Donald	Simon	Chairperson	7347 1478
Lethogonolo	Setswalo	Vice Chairperson	7165 5122
Phenyo	Moakofhi	Secretary	7358 9282
Seitiso	Moreputla	Vice Secretary	7383 5591
Boiteko	Mokabati	Treasurer	7349 9779
Gabaakanye	Keakohile	Additional Member	7345 8558
Tshekiso	Tsholohelo	Additional Member	7358 1739
Dipuo	Motswaiso	Additional Member	7580 9711

GHANZI SMALL STOCK FARMERS NETWORK			
Name	Surname	Title	Telephone
Rachel	Kelefitsetse	Chairperson	7317 7432
Kabelo	Modise	Vice Chairperson	7303 4511
Setlhabane	Boikotlhao	Secretary	7165 8055
Vivian	Mikgatlhanyane	Vice Secretary	7394 5514
Kebalepile	Bantshwanetse	Treasurer	7627 9626
Ofaletse	Thaushe	Additional Member	7370 1935
Molapi	Kwadipana	Additional Member	7371 2676
Nelson	Molatole	Additional Member	7369 6785
Tjiramanga	Mokgatlhanyane	Additional Member	7777 8512
Bakang	Ramoswaane	Additional member	7269 1516

AGRICULTURAL SHOWDATES 2017		
Name of Show	Venue	Date
LVA Auction	Ghanzi Show Grounds	April 2017
Southern District Beef Farmers Association	Venue to be announced	26 - 27 May 2017
Kgalagadi North Farmers Youth Club Field Day	Venue to be announced	May 2017
Mookane Farmers Day	Venue to be announced	10 June 2017
Ghanzi Agriculture Show	Ghanzi Show Grounds	4 - 8 July 2017
LVA Auction	Ghanzi Show Grounds	8 July 2017
Serowe Agriculture Show	Serowe Show Grounds	26 - 29 July 2017
Molepolole Show	Venue to be announced	Date to be announced
Kgatlang Show	Venue to be announced	Date to be announced
Tsabong Show	Venue to be announced	Date to be announced
Goodhope Show	Venue to be announced	Date to be announced
Kanye Show	Venue to be announced	Date to be announced
Chobe Agriculture Show	Pandamatenga Show Grounds	27 - 29 July 2017
National Agriculture Show	Gaborone Show Grounds	14 - 19 August 2017
Small Stock Federation Field Day	Kang	Date to be announced
LVA Auction	Ghanzi Show Grounds	24 November 2017

Contributors:
 Jwaneng Police Services — Stock Theft Unit
 Ghanzi Police Services — Stock Theft Unit
 Lolo Mmolai—Jwaneng Dept. of Animal Production

CCB Community Outreach Team:
 Morulaganyi Kokole: +267 7211 9355/ 7294 1197
 Phale Seele : +267 7511 9485/ 7289 7874
 King Modise: +267 7440 4531/ 7348 6482



European Union



Republic of Botswana



MASAKENG FARMERS NEWSLETTER



Mo Kgatisong e:

Go Tlhomiswa ga Mekgatlho ya Tomagano ya Barui Bogodu jwa Leruo - Tse o Tshwanetseng go di Itse Lesaka la Ditshupetso la CCB Ditshupo tsa Barui

March 2017

Kgatiso: 1

KAMOGELO

Lotlhe ke a le dumedisa. Ke le Mookamedi wa Cheeta Conservation Botswana (CCB), ke rata go lo amogela le go bega kgatiso ya rona ya ntlha ya bukana ya tomagano ya barui (farmers networks). Ghanzi le Jwaneng ke dikgaolo tse di ratiwang thata ke Matotse/Mangau. Barui ba dikgaolo tse, bana le seabe se se tona mo tshomarelong ya diphologolo tse, segolo jang ka Botswana e le lengwe la mafatshe aa santseng a tshegeditse palo ee nametsang ya Matotse/Mangau.

Ka dithuso tse di tswang ko European Union Non State Actors, CCB e kgonne go simolodisa dikomiti tsa ditomaganano tsa barui ko Ghanzi le Jwaneng go leka go tokafatsa tshomarelo ya mahudiso le di tsa tlhologo. Tsholofelo ke gore dikomiti tse di tlise tshono ya gore barui ba rutane ebile ba lekeletse methale ee ka tokafatsang thuo le go fokotsa kgotlhang ya batho le diphologolo.

Ke leboga botlhe ba ba re emeng nokeng jaaka lephata la diphologolo le makgabisanaga, European Union, ba malwetse a leruo, lephata la thuo le ba bangwe ba ba ntseng le seabe mo go direng thulaganyo e. Ke dumela gore bukana e, e tla a nna sedirisiwa se se botlhokwa sa maloko a dikomiti tsa tomagano ya barui fa ba ntse ba gatela pele. Pula!

Rebecca Klein
 CCB Executive Director



Maloko a SOLIFANE ba etetse barui ba ba dirang sentle mo kgaolong ya Ghanzi

DIKGOLAGANO TSA BARUI

Kgolagano ke tirisano mmogo fa gare ga batho ba ba nang le ditiro tse di tsamaelanang. Ka go ithuta mmogo, go dira dilo tse di tshwanang le go akantshana mmogo, maloko a tomagano a bona methale ya go fenyha dikgwethlo. Tsamaiso e e ntseng jaana e tokafatsa tiriso ya meamuso e e botlhokwa, go ithuta ka go amogana mego-polo, go phatlhalatsa dikitso le go bereka mmogo mo go tiileng fa gare ga dithlopha tse di farologanyeng. Ka thulaganyo e e ntseng jaana barui ba dihutshane ba Samane mo kgaolong ya borwa, ba ne ba kopane mo thuto-puisanong ya ntlha kwa Jwaneng ka kgwedi Tlhakole, 2016. Kwa thuto-puisanong eo, barui le mekgatlho e mengwe e e amegang, ba ne ba lemoga dintlha tse di botlhokwa tse di ka tlising thuo e e tokafatseng le dikgwethlo tse di akaretsang bogodu jwa leruo, leuba, malwetse, go jelwa ke dibatana le mmaraka o o sa lekanang. Ba ne ba akantshanya ka fa ba ka fenyang ka teng dikgwethlo tse.

Tomagano ya barui ba Jwaneng e e bidiwang Southern Livestock Farmers Network (SOLIFANE) ba ne ba tswa ka maikemisetso a bone a e leng, **“go anamisa kitso le bokgoni, le go bereka le ba ba maleba go tokafatsa maduo.”**

Barui ba dihutshane mo Ghanzi le batsaya karolo le bone ba ne ba tsena thuto- dipuisano ka kwedi ya Tlhakole, 2016 ba bo ba dumalana gore maikaelelo a bone ke, **“go atlega mo go tokafatsang methale ya thuo.”** Mo ditomaganong tse, dikomiti di ne tsa tlhlongwa go tsamaisa le go etelela pele ditirelo mme boloko bo ne bo buletswe mongwe le mongwe yo o tswang mo setlhopheng sepe sa ba-tsaya-karolo.



DITIRO TSA KGOLAGANO YA BARUI

Fa e sale dikomiti tsoo pedi (Ghanzi le Jwaneng) di tlhomiswa, di dirile mananeo a a di betlelang tsela. SOLIFANE e ne ya iponatsa la ntlha ele komiti ya tomagano ya barui ka Seetebosigo 2016, kwa moletlong wa letsatsi la lekgotlana la barui ba nama ba borwa, gaufi le Jwaneng. Molaetsa wa letsatsi e ne ele **“go rua mo dikgwethlong tsa go fetoga ga loapi.”**

Lethogonolo Setswalo wa SOLIFANE, “Ke ne ka rata nako e ke e tsereng ke amogana ebile ke buisanya le barui ba ba sa bolong go tsena mo thuong...e ne e le selo se se itumedisang thata.”. Ka thuso ya CCB, komiti ene ya etela

barui ba le babedi go utlwa ka maitemogelo a bone mo tirisong ya dintsa tse di disang (LSGD) tse ba neng ba di amogela go tswa mo go ba CCB.

Maloko a SOLIFANE ba ne ba nna le sebaka sa go etela le-saka la CCB le go katisiwang dintsa tse di disang ebile ele lesaka le le nang le dipudi le dintsa tse di disang, go supetsa barui methhale ee farologaneng ee ka dirisiwang go sireletsa leruo mo dibataneng. Komiti e ne ya etela gape ditshupo tsa temo thuo (Ghanzi Agric Show) go ikamanya le go ithuta mo kgaolong e e itseweng thata ka go nna boremelelo jwa thuo mo Botswana. Ba ne ba boa ba itumetse, ba ipaakanyeditse go lekeletsa le go amogana se ba se ithutileng le bagabone.

“Go lomagana go botlhokwa mo go neeleng batho kitso e ntsha le go tokafatsa methhale e e busetsang mo thuong, bogolo jang mo bathong ba ba tshwanang le nna ba basha mo mohameng o,” - Boiteko Mokabati. Dipuo Motswaiso, “go ne ga mpula matlho bogolo jang maduo a a bakilweng ke go dirisa dintsa tse di disang”.

Mo maitekong a go fokotsa go lathegelwa ke leruo ka ntlha ya dibatana, CCB e ne ya abela ditogamano tsotlhe ka bobedi dintsa tse di disang dile masome a mararo, di le lesome le boferabobedi ko Ghanzi le di le lesome le bobedi ko Jwaneng.




Rre. Haube wa Ghanzi Farmers Network a sena go amogela ntsa ya gagwe ee disang

BOGODU JWA LERUO TSE O TSHWANETSENG GO DI ITSE

Bogodu jwa leruo bo tswelotse ka go ama barui ba lefatshe leno. Ditlhotlhomiso tsa Sepodisi di supile fa bogodu jwa leruo bo le kwa godimo fela thata. Molawana wa bogodu jwa leruo, Act Cap 09:01 e letlelela gore go nne le dikomiti tsa twantsho bogodu jwa leruo, matshwao a leruo, tseletso ya go rekisa leruo ele dingwe tsa go leka go lwantsha bogodu jwa leruo.

Go agelela masaka le dipolase, go itse dipalo tsa leruo, tirisanyo mmogo le baagasanyi le ba Sepodisi, go bega bogodu jwa leruo, ke mengwe methhale ee ka thusang mo go lwantsheng bogodu jo. Ba sepodise ba gakolola barui go nna le tomagano mo go lwantsheng bogodu jwa leruo jo bo goelang pele.



Source: Botswana Police Service
Jwaneng and Ghanzi Stock Theft Units

BOTLHOKWA JWA GO DIRA MEKWALA MO THUONG (RECORD KEEPING)

Go dira mekwalo go supa ka fa o tsamaisang thuo ya gago ka teng go botlhokwa fela thata. Go kwala go supile fa go tokafatsa tsamaiso ya morui ya go tlhokomela leruo, go dirisa madi sentle mo thuong le gone go tsaya ditshwetso tse di maleba. Mekwalo ya tsamaiso ya thuo e ka thusa morui go tlhologanya sentle kgolo kana kwelo tlase ya thuo ya gagwe le go nna podi matseba ka tse di ka dirwang go tokafatsa thuo.

Mekwalo gape e ka nna mosola mo thuong fa morui a tlhokana le dithuso tsa madi le dikgang tsa lekgetho. Ga se tsotlhe tse di diragalang mo morakeng tse di tlhokanang le go ka kwalwa. Go bothokwa go ka dira mekwalo mo go tse di latelang:

1. Palo ya leruo (koketsego le phokotsego ya leruo)
2. Thekiso le theko ya leruo
3. Tiriso ya madi mo thuong
4. Dipelo mo thuong
5. Ditatlhegelo mo thuong
6. Theko ya melemo ya leruo
7. Dituelo tsa babereki
8. Tiriso ya metsi
9. Tshekatsheko ya mmara wa leruo
10. Mekento ya leruo



Maloko a SOLIFANE ba le mo bokopanong kwa Moleleme

Fa morui le ba malapa a bone ba dirisa madi go tsamaisa thuo ya bone, go tshwanetse ga nna le mekwalo ya thuo ee supang tiriso ya madi fa thuo e dira sentle le fa e sa dire sentle. Tse dingwe tse di ka kwalwang di ka akaretsa malatsi a bokopano le ditshenyegelo tse dingwe.



Mme Seitapeseng wa SOLIFANE a itumeletse ntsa ya gagwe kwa Moleleme

LOETO LA MORUI

Rre Gabaakanye Keakohile wa SOLIFANE, o simolotse go rua ka ngwaga wa 2012 ka dipudi dile masome mabedi (20) ka thotloetso ya lenaneo la LIMID. Ka 2015, o ne a kgona go bona madi a dithuso gape ka lenaneo la dithuso tsa banana (Youth Development Fund) go reka dipudi tse dingwe dile masome a supa le boraro (73). O ne a tsenya ntsa ee disang mo dipuding tsa gagwe ka ngwaga wa 2014 mme ntsa e, ya tlhokafala ee ise e dire tiro ya yone ya go disa ka botlalo.

Ka ngwaga wa 2015, ba CCB ba ne ba mo abela ntsanyana ee rutilweng go disa. Mo sebakeng sa ngwaga, dipudi tsa ga Rre Keakohile di ne tsa oketsega ka palo, ka a ne a sa tlhole a tshwenngwa ke dibatana. “Ga ke lathegelwe ke leruo ka lebaka la dibatana tse di tshwanang le bo phokoje fa e sale ke abelwa ntsanyana e,” ga bua Rre Keakohile. O ne a tswelela ka go tlhologa gore bo-pelotelele, boineelo, lorato le tlhokomelo ya leruo di tswa maduo.



Rre Keakohile wa SOLIFANE a fa ntsa ya gagwe dijo



Dintsanyana tse ke dingwe tse di rutiwang go disa ko lesakeng la CCB ko Ghanzi

DIKGANG TSA LESAKA LA DITSHUPETSO LA CCB

Ka ngwaga wa 2010, CCB e ne ya simolola go nna le lesaka la ditshupegetso, le maikaelelo a lone e leng go supa tsamaiso e e lolameng ya thuo ya dihutshane. Thulaganyo e, e simolotse ka dipudi di le lesome le bobedi (12), tse di neng tsa oketsega ka palo go ya ko go legolo le masome mararo le borataro (136) ka moo, dipudi di le masome a mabedi le botlhano (25) di rekisiwa ngwaga le ngwaga go thusa go tlhabolola lesaka le. Lesaka le, le na le lenaneo la tsadiso ya dipudi ga nngwefela mo ngwageng, se e le maikaelelo a go nna le dipalo tse di lekanetseng tse di ka kgonang go laolesega mo tlhokomelong kgatlhano le dibatana le gore managamadi a tsale ka nako e go nang le phulo e e siameng. Ko lesakeng le, CCB gape e diragatsa mananeo a thuo a a lolameng jaaka mekwalo ya thuo, dintsa tse di disang, kago ya masaka jalo jalo.

CCB e leka go lemotsha barui gore go botlhokwa thata go nna le leruo la dipalo tse di lekanetseng le go jesa leruo la bone ka nako tsa komelelo. Ka re itse gore Ghanzi ke lefelo le le itemogelang mogote o mo montsi le dibatana ka go farologana, ko lesakeng re tlhokomisa gore dipudi tsa rona di nna di na le metsi ka nako tsotlhe le gore di lala mo lesakeng di patilwe ke dintsa tse di disang. Lesaka le, le dirisiwa ele sekao sa thuo ya dihutshane, go supa methhale e morui a ka e dirisang sireletsa leruo la gagwe mo dibataneng.



Lesaka la dipudi la CCB ko Ghanzi